

COMUN: Indunada incö domënia, 25/11, a Lungiarü do la gran mëssa tla palestra

SANITÉ: le dotur Eduard Agreiter é demez l'atra edema, la jöbia, 6/12, domisdé, y le vëndres, 7/12, danmisdé; al le sostiuësc la doturia Mahlknecht 349 06 67 034

SAN MARTIN Y LUNGIARÜ

Le "Comité domënia y turism", metü sö dal Consëi dl'Unité Pastoral, á metü man súa ativité. Sciöche pröm vare s'al tut dant da baié dla domënia por sensibilisé la jënt da ponsé do: Co se vára pa... Co l'unse pa nos pordërt... Podessun fá val'... o ne fajunse nia...? - Insciö é gnü lauré fora n chestionar, por invié da baié sura la domënia y por ciáfé propostes y impuls da lauré inant.

Le chestionar é injunté ala plata dla ploania y pó gní fotocopié por düc i mëmbri dla familia. Al é ince da ciáfé apé de dlíja o pó ince gní descarié jö dala plata internet dl'Unité Pastoral Val Badia. - Vignun y vignöna é bel peré da l'implí fora y da le dé jö tla lada apé de dlíja cina la domënia, ai 9 de dezëmber.

CÈRTL DLA BIBLA: Vigni lõnesc d'Advënt tègn le ploan dales 20.00 tl salf de calonia a San Martin na introduziun al Vangele do San Lúca, a chëra che ince jënt da Lungiarü é inviada. Tolésse do na Bibla intiera (por talian o todësch).

LUNGIARÜ

En domënia, 2/12, dala gran Mëssa é le Rorate di Èi, do mëssa vëgnel invié a n referat de siur Sepl Granruaz "Le Règn de Dî", dedò picia festa da Nadé ia tl salf.

La Uniun di Pëiapësc da Lungiarü lascia alsavëi a düc chi che á daide en gaujiun dla segra, che impede na cëna por düc vëgnel fat na spënora a na familia dl paisc

La Uniun di Seniors da Lungiarü inviëia ala jita tla Val di Sole a ti ciaré al „Borgo dei 1000 presepi" en vëndres, 30/11, cun na coriera che pëia ia dales 7.00. Por la marëna mëss vignun se cruzié. A cëna cun ciastagnada storjunse pro a TIÛses che costa 27 euro; le coriera vëgn paiada dala uniun. Prenotaziuns cina en jöbia pro Annelies 0474 590 067 o 346 35 87 173 (da séra ia). -----

Le grup de laur dl paisc alpinist da Lungiarü inviëia düc a na sëra de informaziun "Co pói pa ti dé a mi ghesc na buna informaziun por jí da munt sö?", en mertesc, 27/11, dales 20.00, tl salf dles manifestaziuns a Lungiarü. Al gnará dé consëis y informaziuns adöm cun i mënacrëp Max Willeit y Simon Kehrler. Düc é bel invíá.

De dl Voluntariat en sabeda, 01/12, dales 15.30, é düc i voluntars invíá tla Ciasa de Palsa a na mëssa de ringraziament cun n renfrësch - *ciarede tl'ultima plata*.

La Spona, la Uniun Ladins y l'Istitut Ladin inviëia al Marcé da Nadé en domënia, 02/12, dales 10.00 ales 17.00, cun intratenimënt por i mituns dales 14.00 inant.

Invit al concert de Santa Zezilia, incö domënia, 25/11, dales 15.00 a La Pli.

En dedemesaledema, 28/11, dales 16.00, tl gran salf a La Val teater da Nadé (todësch) por mituns da 3 agn insö "Ochs und Esel" cun i clowns Herbert y Mimi.

Döt le bun a chi che complësc i agn de dezëmber

a San Martin: Ida Dejaco che nen complësc 91 ai 25

a Lungiarü Marino Clara che nen complësc 87 ai 12

Angela Sorá Daporta che nen complësc 81 ai 27



www.unitepastoral.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

25.11. – 02.12.18 nr. 52

ultimo termo por comunicaziuns: jöbia dales 20.00

radio: 90,40 / 93,70

FESTA DE CRIST RE – Ann B

Vangele do Jan 18,33b-37

Pilatus á damanè Gejù: Este tö le re di iüdes?

Gejù à respognü: Dîjeste chësc de túa bona,
o é stè zacai d'atri che t'al à dit?

Pilatus à respognü: Sunsi iö forsc n iüda?

To popul y i gragn proi t'á surandè a mé. Cî aste pa fat?

Y Gejù à respognü: Mi règn n'é nia de chësc monn.

Sce mi règn foss de chësc monn,

fóssel mia jënt che combatess,

ch'i ne ti gniss nia surandè ai iüdes.

Mo mi règn n'é nia da chilò.

³⁷Pilatus ti à dit:

Chël ô di, che t'es impò n re?

Gejù à respognü:

Tö le dijes, iö sun n re.

Porchël sunsi nasciü y gnü tl monn,

ch'i dais testimonianza por la verité.

Vignun che é dla verité ascuta mia usc!

Ciarede, chësc chestian, chësc é Gejù.

*Te chësta figöra desconsolada, maltratada, desperada é ël da reconëscce,
sc'an ti ciara, jöpert tla meseria, nia söpert ai monumënc y ales statues.*

Chësc ó la Festa de Crist Re nes dí:

N re particular, nia n combatënt, nia n potënt, nia n terorist,

y gnanca n re sciöche tles liëndes sön n tronn, cun corona y sceter.

Mo un che s'á fat pice, che é gnü sön n müsc y s'á lascé mète pro i ladruns.

Un che á pordü döt por davagné döt y düc.

Pro n te re n'unse nia bria da se sté inré. (Image)



	SAN MARTIN	LUNGIARÜ	SANTA ZEZILIA PATRONA DLA MUSIGA SACRA
25.11.18 FESTA DE CRIST RE <i>S. Zezilia – patrona dl cianté y dla musiga de dlijia</i> <i>Catarina d'Alessandria</i>	9.30 Mëssa solëna dla comunité por le Cor de dlijia	7.55 Corona 8.15 Mëssa solëna dla comunité do intenziun dl Cor de dlijia	
26.11.18 Lönesc <i>Conrad, Ida</i>			
27.11.18 Dedolönesc <i>Virgile, Oda</i>	15.30 Mëssa a Picolin en onur de Santa Catarina + Erna Frenner + Lena Costabiei Moling + siur Heinrich Videsott de rengraz.		San Paul inviëia la comunité de Efesus: Lascésse implí dal Spirit! Lascede stlinghiné amesa os salms, inns y cianties sacres, ciantede y iubilede cun döt le cör al Signur! Le cianté deboriada cheriëia n ambiënt de fede y de lalt a Chël Bel Dî. Al devënta por me n post olach’i toli pert, olach’i me sinti tut ite, olach’i pó ince me lascé ia te momënc de dificulté y de tristëza. Le cianté deboriada cheriëia comunicaziun y fej nasce comunité. Jon tles dljies ince altró s’intenunse ch’ares é fates y arjignades por cianté y fá musiga: dal alt sona l’orghe y ti libri ciafunse tröpes cianties da cianté deboriada. Tl Testamënt Vedl vëgnel cunté: Canche düc i levic y i proi s’â abiné incër alté y â metü man da soné sü stromënc y da cianté - sciöch’an aldiss ma plü öna na usc - „Le Signur é bun, süa grazia döra por dagnora“, êl sté n nio che s’â slarié fora te dōta la ciasa dl Signur; la gloria de Dî s’â lascé jö y â implí döt le tēmpl. (2 Cronica 5,12-14) Na te forza pó avëi la richëza y l’unité dla musiga, che ara é buna da nes daurí le cör un por l’ater y da nes lascé sintí la presënza de Dî.
28.11.18 Dedemesaledema <i>Berta, Silvan</i>		7.30 Mëssa + + Franz y Ludmilla Costa + + siur Stachio y suor Lucia	
29.11.18 Jöbia <i>Friedrich, Iolanda</i>	7.30 Mëssa do intenz. de Teresa Pedevilla (90 agn) + Paula Ploner Trebo - por les Animes Corona por vocaziuns		
30.11.18 Vëndres <i>Sant André apostul</i>	18.30 Adoraziun chîta 19.00 Adoraziun deboriada 19.30 Mëssa latina a Picolin	7.30 Mëssa families de Pio Clara + Pire Clara, Mair	
01.12.18 Sabeda <i>Natalia, Charles de Foucauld</i>	15.30 Mëssa tla Ciasa de Palsa 18.30 Mëssa prefestia/Rorate RORATE por la Musiga + + Paula y Otto Clement (dl ann)	20.00 Mëssa prefestia/Rorate por Vito Clara y familia + + Anni y Burgl Schanung	
02.12.18 1ª Domënia d’Advënt - C Domënia dla Dlijia te ciasa	9.00 Corona 9.30 Gran Mëssa dla comunité	7.55 Corona 8.15 Gran Mëssa dla comunité RORATE por la Uniun di Èi dedô Referat de siur Sepl Granruaz	
Ploania da San Martin: Motivá dala Vijita pastorala dl Vësko y invia dal Consëi dl'Unité Pastorala orunse tres indô tla Mëssa dla domënia tó ite les families cun i mituns. Advënt é le tēmp olach'i se confortun y sperun deboriada y porchël ince adaté da mēte man y da realisé chësc proponimënt. Le Grup por les Families s'â tut dant da arjigné ca cun i mituns por la <u>pröma domënia</u> na boza d'ega santa por vigni familia y porsona sora. (tles families dessel gní fat fora che che vá spo a la tó). Por la <u>secunda domënia</u> porta vigni môt n toch de müstl por n'aziun deboriada. Por la <u>terza domënia</u> vëgnel porté n ciüf de ligrëza (dessigné o pastelné). La <u>cuarta domënia</u> vëgnel tigní le Rorate di jog. Confidan che tröc toles pert <i>le Grup dles Families cun siur Iaco</i>			

